



BOLETÍN OFICIAL DEL ESTADO

ANO CCCXLVI



LUNS 1 DE MAIO DE 2006



SUPLEMENTO NÚM. 5 EN LINGUA GALEGA

FASCÍCULO SEGUNDO

MINISTERIO DE AGRICULTURA, PESCA E ALIMENTACIÓN

6789 *ORDE APA/1095/2006, do 11 de abril, pola que se modifica o Real decreto 1071/2002, do 18 de outubro, polo que se establecen as medidas mínimas de loita contra a peste porcina clásica, no relativo ao baremo de indemnización. («BOE» 90, do 15-4-2006.)*

O anexo VIII do Real decreto 1071/2002, do 18 de outubro, polo que se establecen as medidas mínimas de loita contra a peste porcina clásica, establece os baremos de indemnización aplicables por sacrificio obrigatorio de animais afectados pola dita enfermidade.

Na súa aplicación, púxose de manifesto a necesidade dunha modificación puntual dos citados baremos, e en concreto da fórmula correspondente aos animais de razas precoces e aos seus cruzamentos, de máis de 20 e menos de 90 quilogramos/peso vivo, introducindo o factor corrector correspondente, co fin de actualizar o baremo.



MINISTERIO

DE LA PRESIDENCIA

Esta orde dítase ao abeiro da habilitación contida no punto 2 da disposición derradeira segunda do citado real decreto, que faculta, no seu punto segundo, o ministro de Agricultura, Pesca e Alimentación, logo de consulta coas comunidades autónomas, para modificar o anexo VIII para actualizar os baremos de indemnización.

Na elaboración desta disposición foron consultadas as comunidades autónomas e as entidades representativas dos sectores afectados.

Na súa virtude, dispoño:

Artigo único. *Modificación do Real decreto 1071/2002, do 18 de outubro, polo que se establecen as medidas mínimas de loita contra a peste porcina clásica.*

A alínea e) da parte A do número 1 do anexo VIII do Real decreto 1071/2002, do 18 de outubro, polo que se establecen as medidas mínimas de loita contra a peste porcina clásica, substitúese pola seguinte:

«e) Animais de máis de 20 e menos de 90 quilogramos/peso vivo: ao importe do leitón de 20 quilogramos calculado como se indica no parágrafo anterior incrementaráselle o importe dos quilogramos que excedan de 20. O dito importe calcularase tendo en conta a seguinte fórmula:

$$I = [(F - D)/70] \times K$$

en que:

I = Importe que se vai incrementar.

F = Valor dun porco de 90 quilogramos de peso vivo segundo a alínea f) deste punto.

D = Valor dun leitón de 20 quilogramos, segundo cálculo expresado na alínea d) deste punto.

K = Número de quilogramos que exceda de 20.»

Disposición derradeira única. *Entrada en vigor.*

Esta orde entrará en vigor o día seguinte ao da súa publicación no Boletín Oficial del Estado.

Madrid, 11 de abril de 2006.

ESPINOSA MANGANA

6886 *ORDE APA/1111/2006, do 7 de abril, pola que se ditan disposicións para o desenvolvemento do Real decreto 1123/2005, do 26 de setembro, polo que se declara, para incendios acaecidos en diversas comunidades autónomas, a aplicación das disposicións contidas no Real decreto lei 11/2005, do 22 de xullo, polo que se aproban medidas urxentes en materia de incendios forestais. («BOE» 92, do 18-4-2006.)*

O artigo 2 do Real decreto lei 11/2005, do 22 de xullo, polo que se aproban medidas urxentes en materia de incendios forestais, establece as indemnizacións para paliar os danos ocasionados en producións agrícolas e gandeiras.

A seguir, o artigo 3 do Real decreto 949/2005, do 29 de xullo, polo que se aproban medidas en relación coas adoptadas no Real decreto lei 11/2005, do 22 de xullo, polo que se aproban medidas urxentes en materia de incendios forestais, establece as indemnizacións das explotacións agrícolas, gandeiras e apícolas afectadas.

Así mesmo, o Real decreto 1123/2005, do 26 de setembro, establece que as medidas previstas no capítulo I do Real decreto lei 11/2005, do 22 de xullo, nos artigos 2 a 12,

ambos os dous inclusive, e desenvolvidas polos artigos 2 a 10, ambos os dous inclusive, do Real decreto 949/2005, do 29 de xullo, serán de aplicación nos municipios e núcleos de poboación citados no seu anexo.

En consecuencia, a Orde APA/2860/2005, do 15 de setembro, pola que se ditan disposicións para o desenvolvemento do Real decreto lei 11/2005, do 22 de xullo, e do Real decreto 949/2005, do 29 de xullo, sobre medidas urxentes en materia de incendios forestais na provincia de Guadalajara, establece, no seu artigo 1, que as medidas contidas na devandita orde son de aplicación no ámbito territorial descrito no artigo 1.2.a) do Real decreto 949/2005 do 29 de xullo, sen prexuízo do previsto no artigo 1.2.c) do citado real decreto.

Procede agora desenvolver as medidas do Real decreto 1123/2005, do 26 de setembro, no ámbito territorial sinalado no punto 2.b) do Real decreto 949/2005, do 29 de xullo, e no ámbito territorial establecido no anexo do Real decreto 1123/2005, do 26 de setembro.

Dada a especificidade destas axudas e a urxencia existente na aplicación das medidas establecidas para paliar os danos ocasionados polos incendios, considérase necesario establecer conxuntamente as bases e a convocatoria das axudas previstas no Real decreto 1123/2005, do 26 de setembro, de acordo co artigo 23.2.a) da Lei 38/2003, do 17 de novembro, xeral de subvencións.

De modo excepcional e tendo en conta a limitación dos créditos orzamentarios dispoñibles e a urxencia necesaria para a valoración dos danos producidos, considérase máis axeitado centralizar a valoración e xestión das medidas previstas na presente orde para asegurar a recepción das cantidades correspondentes, axilizar a percepción das indemnizacións e velar pola non superación do límite das axudas.

A disposición derradeira primeira do Real decreto 949/2005, do 29 de xullo, e do Real decreto 1123/2005, do 26 de setembro, faculta os titulares dos departamentos ministeriais, no ámbito das súas competencias, para ditaren as disposicións necesarias para a execución do establecido neste.

Na súa virtude, dispoño:

Artigo 1. *Obxecto e ámbito territorial.*

O obxecto desta orde é desenvolver o contido do Real decreto lei 11/2005, do 22 de xullo, e do Real decreto 949/2005, do 29 de xullo, así como establecer as bases e a convocatoria das axudas de acordo co artigo 23.2.a) da Lei 38/2003, do 17 de novembro, xeral de subvencións, en réxime de concesión directa, de acordo co artigo 22.2.c) da mencionada lei, para paliar os danos sufridos nas explotacións agrícolas, gandeiras e apícolas como consecuencia dos incendios, e que se encontren no ámbito territorial descrito no artigo 1.2.b) do Real decreto 949/2005, do 29 de xullo, e no anexo do Real decreto 1123/2005, do 26 de setembro.

Artigo 2. *Danos indemnizables.*

Serán obxecto de indemnización os danos causados polos incendios forestais nas explotacións agrícolas e gandeiras que, tendo pólizas en vigor amparadas polo Plan de Seguros Agrarios combinados para o ano 2005, sufrisen perdas nas súas producións non cubertas polas liñas de seguros agrarios combinados.

Serán igualmente obxecto de indemnización as perdas orixinadas nas explotacións gandeiras cuxos animais estean asegurados en calquera das liñas de seguro contidas no plan anual, como consecuencia dos danos rexistrados sobre os pastos e outras áreas de aproveitamento gandeiro.